



KA·GNI BIRAP

(Jagittamna Poraina Tarisamsoani)

Class one-ni bi-sarangna

Tarigipa

State council of Educational Research Training, Assam

Bimung:

Class:Roll No

Skul:

Chapa ka·gipa

S.S.A. Assam, Kahilipara, Guwahati-781019

AGANCHENGANI

Primary gadango bi-sarangni dal-ro-ro, silroroani japangara bosturangko nambatani aro lekka porao, pangchake skie on-anian mongsonggipa ong-a. Bi-sarangni be-en-bimang an-sengani, an-seng baljoke janggi tangani, agangrikachi ma-sigrikani, ku-siktangchi sea-jotani, channaniko skiani, dongwilwilgipani gimin primary gadango nengrae skie on-aniko dakna nangchongmota. Uni gimin National Education Policy (NEP 2020)ni gita bi-sarangna nambate skie on-anina skulo class-1(one)na skanggipa Nurseryni bi-sarangna kragipa on-aniko on-a man-a gita ja3 ba anti 12na salsao kanta 4 ka-e skulko tariani moduleko nangchongmotgipa lekka 'Bidani rama' National Council Research Trainingo tarie bikotaa. Ia skulko tarianio ka-gni kamrangko nurseryni bi-sarangna donsogimin skie on-aniko chu-sokatna gita rama-jalang chacha skiani cholko on-a man-gen. Je bi-sarangan tangdororoangna kragipa gun-o kimkime pangchaka uan dakgipa bi-sarangan jamangipa gadango altue aro tarake skie ra-na gita man-a. Uni gimin class-1 (one)na a-bachenge skie on-anio altugipa skie on-anichi bi-sarang apsan bakrime skianiko man-a nanga. A-songni lekka pora ain gita rongtale ma-sina man-a je daororo banga primary skulni bi-sa mongsongbate a-bachenge oikor seaniko skichengani aro channaniko skichenganio ma-siatna gita nengnikaniko man-a. Bi-sani bariroroanio kragipa dake-nianichi dingtang dingtang gadangoni re-bagipa bi-sarangko nangrimate ma-sina nangenggipa chongmotgipa gunrangko ma-sina gita cholko man-ode bi-sarang tangdororona dakchakgen. Bidani ramara Nipun Bharatni a-bachenge oikor sea jotaniko ma-siatanina re-mikkangani ong-a. India sorkarni dongimin pre-primaryo skianiko skia mangimin aro skia man-gijagipa pilak bi-sarangnan ia Bidani Rama moduleko jakkalna nanggen. Ia moduleko biaptangni skie on-ani bostuko jakkale skie on-anichi bi-sarangko nengrae skie on-a gita dakchakgen. Un baksa bi-sarang skul-o an-tangari napna, kena gri aro kusi ong-ataniko ba an-saoataniko dakna nanga. Ma-a-paa aro jinmao bi-sani namroro-silroroanio tangdoanina nirokna simisakna gita bak-o ra-atna nangchongmota.

Skulko tariani module baksa class-1 (one)o napgipa bi-sarangni namroroanina miksonge, skie ra-ani namgni aro gunko ma-sie jagittam (anti 12)na work-shopko ong-ate ge-sa ka-gni birapko tariaha. Workshop-o dingtang dingtang gisik a-ning bitgipana agreba SCERT, Assam aro DIET uisenggipa manderang ba bakko ra-paha.

Ia ka-gni birapo krae jakkalna aro gun gnanngipa ong-atanina pilakni namnikaniko man-a ka-dongsamsonga.



Dr. Niroda Devi
Director

State Council of Education Research Training Centre, Assam

SKIGIPARANGNA

Class 1-o naggipa bi-sarangna biaptangni obosta aro uamangna nangnikani gita 'jagittamna (anti-12) skulna tarisogimin module'ge-sa skigiparangna tarie bikotaha. Ia moduleko 'Bidani rama'-ni jagittam na kal-anio pangchake skulko tarisamsoanina ge-etani (jak 12-35)o on-manaha.

Chanchisamsoe dake nianiko napate moduleko bak ra-rone, bi-sani tangdoani ba cheke nianio nirokna, bi.sani skie ra.anio ma-a-paa aro jinmako bak ra-atani, antiprakni salantio serikaniko tariani somoiko chamani ba dake niani skigipa aro ma-a-paarang maidake tangdoatgen ia gimiko man.gope moduleko tarisamsoani aro re-dilani bidingo ge-etanichi agan-mesokani ong-a. chanchisamsoani aro dake-nianirang bakrimanina ka-mao on-giminrangko skigiparang nirokgen ine ka-donga.

- Namroroatana miksongani, kragipa aro skiani namgnini (Bidani ramao on-dapgipa-1) kattako gisik ra-e jagittam (anti 12)na chanchisamsoe tarie bikotaha.
- Namroroatani minggittam miksongani salantio bi-sarangko ma-siatna nanga.
- Moduleko ka-gni kamna bak ra.rone salanti aro antiprakna chamgimin somoi baksa dake nianiko tariaha (bidani rama jak 12-35).
- Kam ka-na tarisamsoengon jekai- skigipaan dakdilechenggipa aro bi-sarangni dake nichenggipa dake niani, nokningoni aro a.paloni dake-niani, dalgipa dol, chongipa dolni dake niani gisepo apsangrik dakataha aro skiani cholko altue dakna gita golpo, dakmesokachi dake ring-ani, iarangko napataha.
- Ia jagittamni moduleko chusokgipa bimang ong-atna bi.sarangna kragipa ka-gni birap kingsako tariaha.
- Skulna tarigimin moduleko a-bachengna skang namedake chanchirikite poraie ra.na nanga aro bi-sarangna tarie bikotgipa ka-gni birapni serial number gita dake nianiko tarie bikotaha.
- Moduleko bak ra-ronanio nangenggipa skiani bosturangni gimin skang gitan chanchisamsona nanga. Ia skiani bosturang koros gri, komigipa koroschi, ong-jaoba biaptango man-gipako jakkale skigiparang tarie ra-na man.a. skiani bostuna bolni bijak, ga-tong, rong-srek indakgipa dongwilwilao man-gipa bosturangko tarina nanga.
- Biaptango tarigipa putla aro bosturangko jakkalbo. Jedakode bi.sarang neng-mangija bosturandko man-a aro nengrae aro jajrenga gri jakkalna man-a.
- Basegimin dake niani kri bi-sarangko asonganiko tarisona nanga. Bi-sarang baksa dingtangmancha bilgrigipa nangnikani gita (CWSN) miksonganiko don-e uamangko asonganiko dakna nanga.
- Bi-sarangko skie on-ani kamo chu-onga gita somoi bakrime dongani cholko on-a gita miksonganina dake niani aro ka-gni birapni nipiltaniko dakgen.

- Bi-sani skanio pangchake donsogimin salantini dake niani chamgimin somoiba mesokgimin antini chamgimin somoio dake nianirangni gisepo bodolgriknaba altue dakna man·a.
- Salanti dake niani mimgprakko chamgimin somoio bimang ong·atna gita- jekai- grongode mande ra·aniko dakna, duule tomanio jakgitele chanchigrikna, jakgitele kal·ani , a·palo kal·ani, ekgrikani, cha·ani, ku·uko sea·poraia aro chanchiako ma·sianina dake niani indakgiparangko name srange matchotna ge·etani gita talate on·aha.
- Bi-sani tangdoaniko nina gita chu·gimik jagittamna bi·sa sakprakan japrakni tang·doani, ja·ni kri skie ra·ani namgni (Bidani ramao on·soa·o)o on·aha.
- Bi·sa sakprakni tangdoaniko chekna gita skanggipa gadango badita skianiko man·aha ma·sina gita cheke nibo.
- Gittamgipa gadangni chugimik cheke nianio bi·sa sakprakni datarangko dondime chimonge donbo. Jedakode mikkangchi bi·sarangna dakchakani ong·gen. Iana agreba skie ra·ani ma·sianiko chanchisomitingo ma·a- paarang baksa agangrikmitingo nangnikani gita ka·gni kamko bodolgrike ka·ode dakchakni ong·a.

Ka·gni birapni gimin adita aganani:-

Class1-o napgipa bi·sarangni namroroanina miksongani, gun aro skie ra·ani namgnini gamchataniko ma·sie aro bi·sani skie ra·anina tarie bikotgipa jagittamna (anti12)ni ka·gni birapo je dake nianiko napataha, uarang bi·sani namnikani gita dakatna neng·bee chanchie tariaha. Ia ka·gni birapo napgipa mingprak dake niani baksa skigiparangna ge·etaniko on·aha. Skigiparang uamangna miksonge on·gimin ge·etaniko gisiko nange bi·sarangni chugimik namroroanina bilake jaku de·gen ine ka·donga.

Ka·gni birapo donggipa dake nianirangko dakatengon skigiparang ka·mao on·giminrangko gisik ra·atbo—

- Gimikna skang bi·sarangko dake nianiko dakatna uamangni skani aro namnikani gita dakatna ka·sachi okame uamang baksa nangrimna nanga.
- Dake nianiko dakaton bi·sarangko noksa nie bimungko agana on·bo, man·jaode dakchabo.
- Slate, gitcam calendar, card, bohi indakgipa gipokgipa bakko bi·sarangko gongge·sike dake salna ka·dongatna nanga.
- Badiaba dake niani baksa nangrimate an·tangni gita gipin dake nianikoba dakna man·a. iani bidingo skang gitan chanchisamsona nanga.
- Dakmesoke ring·ani aro poedoko name gisiko chipbo jedakode bi·sarang skimitingo ka·gni birapko nina gita nangjawa.
- Kangkare ringreng·gareng dake ka·sroke ring·ani bi·sarangko jarikna on·bo. Bi·sa sakprakan jedakode bak ra·a uni gimin nirokbo.

- Su·totgiparangko nangdimatani bidingo bra chin gita aro nangode jako rime dakatbo.
- An·tangni gita adita bimangko sale bi·sarangko a·bachenge seaniko ranta ka·atna nanga.
- Chonchongipa sing·aniko singanichi bi·sarangko altue agangrikanio bak ra·atna nanga.
- Bi·sa sakprakan jedakode agangrikanio bakko ra·a uni gimin nirokna nanga.
- Ka·gni birapo on·ana agreba noksani dakchakachi bangbango agangrikna on·bo.
- Bi·sarangni gisiko nakatgipa sing·aniko jajagija sing·na cholko on·a nanga.
- Ka·gni birapo donggipa dake nianirangko ge·etani gita dakbo.
- Sakprakprak bi·sani dake nianirangko portfolio-o chimonganiko dakbo.

Dintangmancha bilgrigipa bi·sana niroke
minganti dake nianiko dakatengon dakchakbo.

Skul a·bachengani skanggipa salonin bi·sarang jedakode
be·en-bimang an·seng-baljoke aro nama
chanchibewalko pangnan man·a amgen una simsakna,
name rongtale jakkalana agreba dongwilwalani bidingo
mikrakani aro agan-mesokani gita jekai- chiko indinari
bonatna nangja, jakkalna nanggija somoio bijuli, bangka
iarangko off ka·na nanga. Kattarangko noksa gnan
calendarni bimango sale site·e donbo.